



বিষয়ঃ বাজেট ব্যবস্থাপনা কমিটির সভার কার্যবিবরণী

সভাপতি	ঃ জনাব মোঃ আসাদুল ইসলাম সচিব
সভার তারিখ	ঃ ১১-০৩-২০২০খ্রি.
সভার সময়	ঃ বেলা ৩.৩০ টা
সভার স্থান	মন্ত্রণালয়ের সভাকক্ষ।
উপস্থিত কর্মকর্তাগণের তালিকা	ঃ পরিশিষ্ট-‘ক’ তে সমিবেশ করা হয়েছে।

সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। অতঃপর আলোচ্যসূচি উপস্থাপনের জন্য যুগ্মসচিব (বাজেট) ড. মোঃ এনামুল হককে অনুরোধ করেন। যুগ্মসচিব (বাজেট) সভাকে অবহিত করেন যে, গত ০৩-১২-২০১৯ তারিখে অর্থ বিভাগের ০৭.১০১.০২০.০০.০০.০১০.২০১৮-৫৪০ নম্বর স্মারকের মাধ্যমে বাজেট পরিপত্র-১ জারি করেছে। জারিকৃত পরিপত্রে মন্ত্রণালয়/বিভাগ ও অন্যান্য প্রতিষ্ঠানসমূহের মধ্যমেয়াদী বাজেট কাঠামো সংশোধন ও হালনাগাদকরণ এবং মন্ত্রণালয়/বিভাগ ও অধিনস্থ অধিদপ্তর/সংস্থা/প্রতিষ্ঠানের রাজস্ব প্রাপ্তির প্রাথমিক লক্ষ্যমাত্রা নির্ধারণের নির্দেশনা প্রদান করা হয়েছে। মধ্যমেয়াদী বাজেট কাঠামো অনুযায়ী ২০২০-২১ অর্থ বছরের প্রস্তাবিত বাজেট এবং ২০২১-২২ ও ২০২২-২৩ অর্থ বছরের প্রক্ষেপণ প্রদান করা হয়েছে। স্বাস্থ্য সেবা বিভাগের প্রাথমিক ব্যয়সীমার বিভাজন ও প্রক্ষেপণ প্রস্তুত এবং দপ্তর/সংস্থার ব্যয়সীমা প্রস্তুতের বিষয়ে নির্দেশনা প্রদান করা হয়েছে। তিনি ২০২০-২১ অর্থ বছরের প্রস্তাবিত বাজেট এবং ২০২১-২২ ও ২০২২-২৩ অর্থ বছরের প্রক্ষেপণ সভায় উপস্থাপন করেন। তিনি জানান, ২০২০-২১ অর্থ বছরে পরিচালন অংশে ১০৮১২.৪৫ কোটি টাকা এবং উন্নয়ন অংশে ১০৯৩০.৪৮ কোটি টাকা বরাদ্দ রাখা হয়েছে।

২। বাজেট কাঠামোর প্রথম ভাগ পরীক্ষা ও প্রস্তুতের বিষয়ে সভায় বিস্তারিত আলোচনা হয়। স্বাস্থ্য সেবা বিভাগের ভিশন, মিশন, কৌশলগত উদ্দেশ্য, অগ্রাধিকার খাত/কর্মসূচি প্রভৃতি বিষয় বিবেচনা করে প্রথম ভাগের এ অংশসমূহ পূরণ করে নির্ধারিত সময়ের মধ্যে অর্থ বিভাগ ও পরিকল্পনা কমিশনে প্রেরণ করতে হবে। বাজেট কাঠামোর প্রথম ভাগ প্রণয়নে তিনি পরিকল্পনা অনুবিভাগের দৃষ্টি আকর্ষণ করেন।

৩। যুগ্মসচিব (বাজেট) সভায় জানান যে, স্বাস্থ্য সেবা বিভাগের অধীন বিভিন্ন পর্যায়ে নিয়োগকৃত কর্মকর্তা-কর্মচারীদের বেতন-ভাতা বাবদ ২০২০-২১ অর্থবছরে মোট ৬০৭,৪২,০০,০০০/- (ছয়শত সাত কোটি বিয়াল্লিশ লক্ষ) টাকা অতিরিক্ত প্রয়োজন। সভায় জানানো হয় যে, বিভিন্ন স্বাস্থ্য প্রতিষ্ঠান থেকে বেতন-ভাতা বাবদ অতিরিক্ত বরাদ্দের যে দাবী প্রেরণ করা হয়েছে তা বাজেট ওয়ার্কিং গ্রুপের সভায় পর্যালোচনা ও পরীক্ষা করা হয়েছে। বেতন-ভাতা বাবদ অতিরিক্ত দাবীকৃত অর্থ চলতি অর্থ বছরের বাজেট প্রাক্কলনে অন্তর্ভুক্ত করার জন্য বাজেট ওয়ার্কিং গ্রুপ সুপারিশ প্রদান করেছেন।

৪। জনাব মোঃ মজিবুর রহমান, উপপ্রধান (পরিকল্পনা) সভায় জানান যে, উন্নয়ন অংশে বরাদ্দকৃত অর্থের মধ্যে জিওবি ৭৯৫৯.৭৩ (সাত হাজার নয়শত ঊনষাট কোটি তেয়াত্তর লক্ষ) কোটি টাকা এবং প্রকল্প সাহায্য ২৯৭০.৭৫ (দুই হাজার নয়শত সত্তর কোটি পচাত্তর লক্ষ) কোটি টাকা। লাইন ডাইরেক্টর ও প্রকল্প পরিচালকদের সংগে আলোচনাক্রমে মোট ৪৪টি প্রকল্পের (১৯টি ওপি ও ২৫টি প্রকল্প) জন্য প্রাথমিকভাবে বরাদ্দ প্রাক্কলন করা হয়েছিল মোট ৯৮১৭.৮৯ (নয় হাজার আটশত সত্তর কোটি ঊনসত্তর লক্ষ) কোটি টাকা। যার মধ্যে জিওবি ৬৮৪৬.৭৪ (ছয় হাজার আটশত ছিচল্লিশ কোটি চুয়াত্তর লক্ষ) কোটি টাকা এবং প্রকল্প সাহায্য ১৯৭০.৭৫ (এক হাজার নয়শত সত্তর কোটি পচাত্তর লক্ষ) কোটি টাকা। অননুমোদিত প্রকল্পসমূহের জন্য থোক বরাদ্দ রাখা হয়েছে ১১১২.৯৯ (এক হাজার একশত বার কোটি নিরানব্বই লক্ষ) কোটি টাকা। কিন্তু অননুমোদিত প্রকল্পসমূহের জন্য বরাদ্দকৃত ১১১২.৯৯ (এক হাজার একশত বার কোটি নিরানব্বই লক্ষ) টাকা প্রয়োজন হবে না বলে প্রতীয়মান হয়। তাই ২০২০-২১ অর্থ বছরে পরিচালন অংশে ৬০৭.৪২ (ছয়শত সাত কোটি বিয়াল্লিশ লক্ষ) কোটি টাকার অতিরিক্ত যে চাহিদা রয়েছে তা উন্নয়ন অংশ থেকে স্থানান্তর করা যেতে পারে।

৫। অতিরিক্ত সচিব (হাসপাতাল) সভাকে অবহিত করেন, সচিবালয় অংশে চিকিৎসা ও শল্য চিকিৎসা সরঞ্জামাদি (এমএসআর) খাতে পর্যায়ক্রমে বরাদ্দ কমানো যেতে পারে এবং তিনি ২০২০-২১ অর্থ বছরে উক্ত খাতে সচিবালয় অংশে ১০০.০০ (একশত কোটি) টাকা বরাদ্দ রাখার জন্য অনুরোধ করেন।

৬। সভায় বিস্তারিত আলোচনা শেষে নিম্নবর্ণিত সিদ্ধান্ত গৃহীত হয়ঃ

(ক) মন্ত্রণালয়/বিভাগসমূহের প্রস্তাবিত ব্যয়সীমাঃ

(অংকসমূহ কোটি টাকায়)

ক্রমঃ	বাজেট	প্রস্তাবিত বাজেট	প্রস্তাবিত সংশোধিত বাজেট	প্রক্ষেপণ	
বাজেট	২০১৯-২০	২০২০-২১	২০২০-২১	২০২১-২২	২০২২-২৩
পরিচালন	১০০০৭.৫০	১০৮১২.৪৫	১১৪১৯.৮৭	১২৫৬১.৮৫	১৩৮১৮.০৪
উন্নয়ন	৯৯৩৬.৮০	১০৯৩০.৪৮	১০৩২৩.০৬	১১৩৫৫.৩৮	১২৪৯০.৯২
মোট	১৯৯৪৪.৩০	২১৭৪২.৯৩	২১৭৪২.৯৩	২৩৯১৭.২৩	২৬৩০৮.৯৬

(খ) বাজেটের বর্ণনামূলক অংশ বা এমবিএফ হালনাগাদ করে বাজেট অনুবিভাগকে অবহিত করতে হবে। এমবিএফ অংশ পূরণের সময় অবশ্যই গত ৩ বছরের অর্জনের উল্লেখযোগ্য বিষয় উল্লেখ করতে হবে।

৭। সভায় আর কোন আলোচনা না থাকায় উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।

স্বাক্ষরিত/১২/৬/২০
(মোঃ আসাদুল ইসলাম)
সচিব
স্বাস্থ্য সেবা বিভাগ

নং ৪৫.১৩৯.০২০.০০.০০১.২০১৮-২৪৫/১(৯)

তারিখঃ ১২-০৩-২০২০খ্রিঃ

অনুলিপি অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো (জ্যেষ্ঠতার ক্রমানুসারে নয়):

- ১। অতিরিক্ত সচিব (প্রশাসন/উন্নয়ন/হাসপাতাল/নার্সিং ও মিডওয়াইফারী/বিশ্বস্বাস্থ্য ও জনস্বাস্থ্য/আর্থিক ব্যবস্থাপনা ও অডিট/ঔষধ প্রশাসন ও আইন), স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়।
- ২। মহাপরিচালক, স্বাস্থ্য অধিদপ্তর/স্বাস্থ্য অর্থনীতি ইউনিট/ঔষধ প্রশাসন অধিদপ্তর/নার্সিং ও মিডওয়াইফারী অধিদপ্তর, ঢাকা।
- ৩। প্রধান প্রকৌশলী, স্বাস্থ্য প্রকৌশল অধিদপ্তর, মতিঝিল, ঢাকা।
- ৪। যুগ্মপ্রধান (পরিবহন), স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়।
- ৫। উপসচিব (বাজেট-৪), অর্থ বিভাগ, অর্থ মন্ত্রণালয়, বাংলাদেশ সচিবালয়, ঢাকা।
- ৬। চীফ টেকনিক্যাল ম্যানেজার, নিমিউ, মহাখালী, ঢাকা।
- ৭। প্রধান হিসাবরক্ষণ কর্মকর্তা, স্বাস্থ্য ও পরিবার কল্যাণ মন্ত্রণালয়, সিএজি ভবন, সেগুনবাগিচা, ঢাকা।
- ৮। ম্যানেজার, টেমো, মহাখালী, ঢাকা।
- ৯। সিস্টেম এনালিস্ট, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা (সভার কার্যবিবরণী ওয়েবসাইটে প্রকাশের জন্য অনুরোধ করা হলো)।

১২.০৬.২০২০
(সুশীল কুমার পাল)
সিনিয়র সহকারী সচিব (বাজেট-১)
ফোনঃ ৯৫৪৫৯২৭

অনুলিপি সদয় অবগতির জন্যঃ

- ১। সচিবের একান্ত সচিব, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়।
- ২। অতিরিক্ত সচিব (বাজেট)-এর ব্যক্তিগত কর্মকর্তা, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়।